



玉臺新詠卷七目錄

陳東海徐陵編

吳筠

採桑

梅花落


與柳惲相贈答 六首

古意 二首

陌上桑

秦王捲衣

採蓮



携手

春日

雙燕

春怨

閨怨 二首

去妾贈前夫

妾安所居

三婦艷

詠少年

庾舟

秋閨有望

夜夢還家

王僧孺

月夜詠陳南康新有所納

見貴者初迎盛姬聊為之詠

與司馬治書同聞隣婦夜織

為何庫部舊姬擬靡蕪之句

在王晉安酒席數韻

何生姬有怨

為人寵姬有怨

詠寵姬

爲姬人自傷

爲人有贈

爲人傷近不見

有所思

春閨怨

秋閨怨

夜愁

擣衣

張率

相逢行

對酒

遠期

徐悱

對房前桃樹詠佳期贈內

贈內

徐悱妻劉氏

答唐娘七夕所穿針

聽百舌

春閨怨

詠佳人

班婕妤怨

費昶

華觀省中夜聞城外擣衣二首

和蕭紀室春旦有所思

春郊見美人

詠照鏡

陽春發和氣

秋夜涼風起

採菱

芳樹

長門怨

巫山高

有所思

姚翻

採桑

孔翁歸

班婕妤怨

何思澄

班婕妤怨

擬古

南苑逢美人

湯僧濟

溇井得金釵

徐勉

採菱曲

楊儼

詠舞

玉臺新詠卷七目錄終

玉臺新詠卷七

陳東海徐陵編 明歙州方大法校

採桑

吳筠

賤妾思不堪採桑渭城南帶減連枝綉髮亂鳳
凰簪花舞依長薄蛾飛愛綠潭無由報君信流
涕向春蠶

梅花落

終冬十二月寒風西北吹獨有梅花落飄蕩不
依枝流連逐霜彩散漫下冰澌何當與君日共
映芙蓉池

擬古

南苑逢美人

湯僧濟

滌井得金釵

徐勉

採菱曲

楊儼

詠舞

玉臺新詠卷七目錄終

玉臺新詠卷七

陳東海徐陵編 明歙州方大法校

採桑

吳筠

賤妾思不堪採桑渭城南帶減連枝綉髮亂鳳
凰簪花舞依長薄蛾飛愛綠潭無由報君信流
涕向春蠶

梅花落

終冬十二月寒風西北吹獨有梅花落飄蕩不
依枝流連逐霜彩散漫下水澌何當與君日共
映芙蓉池

與柳惲相贈答 六首

其一

黃鸝飛上苑綠葢出河洲日映昆明水春生乾
鵲樓飄颺白花舞瀾漫紫萍流書織迴文錦無
因寄隴頭思君甚瓊樹不見方離憂

其二

鳴鞭適大阿聯翩渡漳河燕姬及趙女挾瑟夜
經過織腰曳廣袖半額畫長蛾客本倦遊者箕
箒在江沱故人不可棄新知空復何

其三

離居苦無樂回慕心悽悽要途訪趙使聞君仕
執珪杜蘅色已發菖蒲葉未齊羃歷蚕餌蠶差
池燕吐泥願逐東風去飄蕩至遼西

其四

白日隱城樓勁風掃寒木離柝隔東西執手異
涼燠相思咽不言洞房清且肅歲去甚流煙時
來如轉軸別鶴千里飛孤雌夜未宿

其五

閒房宿已靜落月有餘輝寒虫隱壁思秋蛾繞
燭飛絕雲斷更合離鴻去復歸佳人今何在迢

通江之沂一為別鶴弄千里淚沾衣

其六

秋雲靜晚天寒夜方綿綿聞君吹急管相思雜
採蓮別離未幾日高月三成弦蹀躞黃河浪嘶
唱隴頭絃寄書薜蘿葉挿着叢臺邊

古意 二首

其一

匈奴數欲盡僕在玉門關蓮花穿劍鏑秋月掩
刀環春機鳴窈窕夏鳥思綿蠻中人坐相望狂
夫終未還

其二

妾家橫塘北發艷小長安花釵玉宛轉珠繩金
絡紈羃歷懸丹鳳逶迤搖白團誰能分見此含
恨不能言

陌上桑

嫋嫋陌上桑蔭陌復垂塘長條映白日細葉隱
鸝黃蚕饑妾復思拭淚且提筐故人寧知此離
恨煎人腸

秦王捲衣

咸陽春草芳秦帝捲衣裳玉檢柴萸匣金泥蘇

合香初芳薰復悵餘輝曜玉堂當須宴朝罷持
此贈華陽

採蓮

錦帶雜花鈿羅衣垂綠川問子今何去出採江
南蓮遼西三千里欲寄無因緣願君早旋返及
此荷葉鮮

携手

艷裔陽之春携手清洛濱雞鳴上林苑薄暮小
平津長裾藻白日廣袖帶芳塵故交一如此新
知詎憶人

春日

春從何處來拂水復驚梅雲障青瑣闥風吹承
露臺美人隔千里羅幃閉不開無由得共語空
對相思杯

雙燕

一燕海上來一燕高臺息一朝相逢遇依然舊
所識問我來何遲山川幾紆直荅言海路長風
多飛無力昔別縫羅衣春風初入帷今來夏欲
晚桑蛾薄樹飛

春怨

四時如湍水奔飛競迴復夜鳥嚶嚶朝花照
煜煜厭見花成子多看筭成竹萬里斷音書十
載異栖宿積怨落芳髻長啼壞美目君去住榆
關妾留住函谷唯對昔耶房如愧蜘蛛屋獨喚
響相酬還將影自逐象床異擅簾羅衣變單複
幾度過風霜猶能保煢獨

閨怨 二首

其一

胡笳屢悽斷征蓬未肯還妾坐江之介君戍小
長安相去三千里參商書信難四時無人見誰

復重羅紈

其二

春草可攬結妾心正斷絕綠髮愁中改紅顏啼
裏滅非獨淚如絲亦見珠成血願爲雙鵠鏡翩
翩照離別

去妾贈前夫

棄妾在河橋相思復相遼鳳凰簪落髮蓮花帶
緩腰腸從別處斷貌在淚中消願君憶疇昔片
言時見饒

妾安所居

賤妾先有寵蛾眉進不遲一從西北麗無復城
南期何用暫豔逸豈爲乏妍姿徒有黃昏望寧
遇青樓時惟惜應門掩方餘永巷悲匡床終不
共何由橫自私

二婦艷

大婦絃初切中婦管方吹小婦多姿態含笑逼
清卮佳人勿餘及慙勤妾自知

詠少年

董生唯巧笑子都信美目百萬市一言千金買
相逐不道參差菜誰諭窈窕淑願君捧綉被來

就越人宿

秋閨有望

庾丹

眇眇橫天漢飄飄出岫雲月斜樹倒影風至水
迴文已泣機中婦復悲堂上君羅襦曉長襪翠
被夜徒薰空汲銀床井誰縫金縷裙所思竟不
至持酒清夜分

夜夢還家

歸飛夢所憶共子汲寒漿銅甌素絲綆綺井白
銀床雀出丰茸樹虫飛玳瑁梁離人不相見爭
忍對春光

月夜詠陳南康新有所納 王僧孺

二八人如花三五月如鏡開簾一種色當戶兩
相映重價出秦韓高名入燕鄭十城屢請易千
金幾爭聘君意自能專妾心本無兢

見貴者初迎盛姬聊爲之詠

久想專房麗未見傾城者千金訪繁華一朝遇
容冶家本薊門外來戲叢臺下長卿幸未匹文
君復新寡

與司馬治書同聞隣婦夜織

洞房風已激長廊月復清藹藹夜庭廣飄飄曉

帳清雜聞百虫思偏傷一鳥聲鳥聲長不息妾
心復何極猶恐君無衣夜夜當窓織

爲何庫部舊姬擬薜蘿之句

出戶望蘭薰褰簾正逢君歛容纔一訪新知詎
可聞新人含笑近故人含淚隱妾意在寒松君
心逐朝槿

在王晉安酒席數韻

窈窕宋華容但歌有清曲轉盼非無以斜眉幸
相矚不減許飛瓊絕勝劉碧玉何因送款款伴
飲杯中醪

何生姬有怨

寒樹柶羈此月映風復吹
逐臣與棄妾零落心
可知寶琴徒七絃
蘭燈空百枝顰容不足効啼
粧拭復垂同衾非楚越異國非此離

爲人寵姬有怨

可憐獨立樹枝輕根亦搖已爲露所浥復爲風
所飄錦衾襞不開端坐夜及朝是妾愁成瘦非
君重細腰

詠寵姬

及君高堂還值妾妍粧罷曲房褰錦帳迴廊步

珠屣玉釵時可挂羅襦詎難解再顧連城易一
笑千金買

爲姬人自傷

自知心裏恨還向影中羞迴持昔慊慊變作今
悠悠還君與妾扇歸妾奉君裘斷絃猶可續心
去最難留

爲人有贈

碧玉與綠珠張盧復雙女曼聲古難匹長袂世
無侶似出鳳凰樓言發瀟湘渚幸有褰衣便含
情寄一語

爲人傷近不見

羸女鳳凰樓漢姬栢梁殿詎過仙將死音容猶
可見我有一心人同鄉不異縣異縣不成隔同
鄉更脉脉脉脉如牛女何由得一語

有所思

夜風吹熠燿朝光照昔耶幾銷靡蕪葉空落蒲
桃花不堪長織素誰能獨浣紗光陰復何極望
促反成賒知君自蕩子柰妾亦倡家

春閨怨

怨來不理鬢春至更攢眉悲看蛺蝶粉泣望蜘蛛

蛛絲月映寒蛩褥風吹翡翠帷飛鱗難託意
翼不綴思

秋閨怨

斜光隱西壁暮雀上南枝風來秋扇屏月出夜
燈吹深心起百際遙淚非一垂徒勞妾辛苦終
言君不知

夜愁

簷露滴爲珠池水合成壁萬行朝淚瀉千里夜
愁積孤帳閉不開寒膏盡復益誰知心眼亂看
朱忽成碧

擣衣

足傷金管遽多愴
緹光促露團池上
紫風飄庭裏
綠下機鷺西眺鳴砧
遽東旭芳汗似蘭湯彫
金辟龍燭散度廣陵音
摻寫漁陽曲別鶴悲不
已離鸞斷更續尺素在
魚腸寸心憑鴈足

相逢行

張率

相逢夕陰街獨趨
向冠里高門既如一
甲第復相似憑軾日
欲昏何處訪公子
公子之所在所在
在良易知青樓出
上路漸臺臨曲池
堂上撫流徽壘樽
朝夕施橘柚分寶
葉朱火燎金枝
兄弟

兩三人冠珮紛陸離
朝從禁門出車騎並驅馳
金鞍瑪瑙勒聚觀路傍兒
入門一顧望鳧鵠有
雄雌雄雌各數千相鳴
戲羽儀並在東西立羣
次何離離大婦刺方領
中婦抱嬰兒小婦尚嬌
稚端坐吹參差丈人無
遽起神鳳且來儀

對酒

對酒誠可樂此酒復芳醇
如華良可貴非乳更
非珍何當留上客爲寄
掌中入金尊清復滿玉
椀亟來親誰能共遲暮
對酒惜芳晨君歌尚未
罷却坐避梁塵

遠期

遠期終不歸節物坐將變白露濕單衣秋風息
團扇誰能久別離他鄉且異縣浮雲蔽重山相
望何時見寄言遠行者空閨淚如霰

對房前桃樹詠佳期贈內 徐悱

相思上北閣徙倚望東家忽有當窓樹蕪含映
日花芳鮮類紅粉比素若鉛華更使心增意彌
令想狹斜無如一路阻脉脉似雲霞嚴城不可
越言折伐踈麻

贈內

日暮想青陽躡履出椒房網虫生錦薦遊塵掩
玉床不見可憐影空聞黼帳香彼美情多樂挾
瑟坐高堂豈忘離憂者向隅獨心傷聊因一書
札以代九迴腸

荅唐娘七夕所穿針 徐悱妻

倡人助漢女靚粧臨月華連針學並蒂縈縷作
開花嬾閨絕綺羅攬贈自傷嗟雖言未相識聞
道出良家曾停霍君騎經過柳惠車無由一共
語暫看日升霞

聽百舌

庭樹旦新晴
臨鏡出彫楹
風吹桃李氣
過傳春鳥聲
靜寫山陽笛
全作洛濱笙
注意歡留聽
誤令粧不成

春閨怨

花庭麗景斜
蘭牖輕風度
落日更新粧
開簾對春樹
鳴鸝葉中舞
戲蝶花開驚
鶯調琴本要
歡心愁不成
趣良會誠非
遠佳期今不
遇欲知幽怨
多春閨深且
暮

詠佳人

東家挺竒麗
南國擅容輝
夜月方神女
朝霞喻

洛妃還看鏡
中色比艷似
知非摘辭徒
妙好連類頓
乖違智夫雖
已麗傾城未
敢希

班婕妤怨

日落應門閉
愁思百端生
况復昭陽近
風傳歌吹聲
寵移真不恨
讒狂太無情
只言爭分理
非妬舞腰輕

華觀省中夜聞城外擣衣二首

其一

費昶

閭闔下重關
丹墀吐明月
秋氣城中冷
秋砧城外發
浮聲繞雀臺
飄響度龍闕
宛轉何藏摧
當

從上路來藏摧意不已定自乘軒裏乘軒盡世
家佳麗似朝霞圓璫耳上照方繡領間斜衣薰
百和屑鬢插九枝花昨暮庭槐落今朝羅綺薄
拂席捲鴛鴦開縕舒龜鶴金波正容與玉步依
砧杵紅袖往還縈素腕參差舉徒聞不得見獨
夜空愁佇

其二

獨夜何窮極懷之在心惻階垂玉衡露庭舞松
風翼瀝滴流星輝燦爛長河色三冬誠足用五
日無糧食揚雲已寂寥今君復弦直

和蕭詠春旦有所思

芳樹發春輝蔡子望青衣水逐桃花去春隨楊
柳歸楊柳何時歸裊裊復依依已蔭章臺陌復
掃長門扉獨知離心者坐惜春光違洛陽遠如
日何由見宓妃

春郊見美人

芳郊拾翠人迴袖捲芳春金輝起步搖紅彩發
吹輪揚揚蓋項日飄飄馬足塵薄暮高樓下當
知妾姓秦

詠照鏡

從上路來藏摧意不已定自乘軒裏乘軒盡世
家佳麗似朝霞圓璫耳上照方繡領間斜衣薰
百和屑髮插九枝花昨暮庭槐落今朝羅綺薄
拂席捲鴛鴦開緝舒龜鶴金波正容與玉步依
砧杵紅袖往還縈素腕參差舉徒聞不得見獨
夜空愁佇

其二

獨夜何窮極懷之在心惻階垂玉衡露庭舞松
風翼瀝滴流星輝燦爛長河色三冬誠足用五
日無糧食揚雲已寂寥今君復弦直

和蕭記室春日有所思

芳樹發春輝蔡子望青衣水逐桃花去春隨楊
柳歸揚柳何時歸裊裊復依依已蔭章臺陌復
掃長門扉獨知離心者坐惜春光違洛陽遠如
日何由見宓妃

春郊見美人

芳郊拾翠人迴袖捲芳春金輝起步搖紅彩發
吹輪揚揚蓋項日飄飄馬足塵薄暮高樓下當
知妾姓秦

詠照鏡

晨輝照杏梁飛燕起朝粧留心散廣黛輕手約
花黃正釵時念影拂絮且憐香方嫌翠色故乍
道玉無光城中皆半額非妾畫眉長

陽春發和氣

日靜班姬門風輕董賢館卷耳緣家出反舌登
牆喚蠶女挂枝鈞遊童蘇合彈拂袖當留客相
逢莫相難

秋夜涼風起

佳人在河內征夫鎮馬邑零露一朝團中夜兩
垂泣氣爽床帳冷天寒針縷澁紅顏本暫時君

還詎相及

採菱

妾家五湖口採菱五湖側玉面不關粧雙眉本
翠色日斜天欲暮風生浪未息宛在水中央空
作兩相憶

芳樹

幸被夕風吹屢得朝光照枝低疑欲舞花開似
含笑長夜踏悠悠所思不可召行人早旋返賤
妾猶年少

長門怨

向夕千愁起自悔何嗟及愁思且歸床羅襦方
掩泣絳樹搖風軟黃鳥弄聲急金屋貯嬌時不
言君不入

巫山高

巫山光欲晚陽臺色依依彼美巖之曲寧知心
是非朝雲觸石起暮雨潤羅衣願解千金珮請
逐大王歸

有所思

上林鳥欲栖長安日行暮所思鬱不見空想丹
墀步簾動意君來雷聲似車度北方佳麗子窈

窕能迴顧夫君自迷惑非爲妾心妬

採桑

姚翻

鴈還高柳北春歸洛水南日照茱萸領風搖翡
翠簪桑間視欲暮閨裏遽饑蠶相思君助取相
望妾那堪

班婕妤怨

孔翁歸

長門與長信日暮九重空雷聲聽隱隱車響絕
瓏瓏恩光隨妙舞團扇逐秋風鉛華誰不慕人
意自艱終

班婕妤怨

何思澄

寂寂長信晚雀聲愁洞房蜘蛛網高閣駁蘇被
長廊虛殿簾帷靜閑階花蕊香悠悠視日暮還
復拂空牀

擬古

故交不可忘猶如蘭桂芳新知雖可悅不異菜
萁香妾有鳳雛曲非無陌上桑薦君君不御抱
瑟自悲涼一

南苑逢美人

洛浦疑迴雪巫山似旦雲傾城今始見傾國昔
曾聞娟眼隨羞合丹唇逐笑分風捲蒲桃帶日

照石榴裙自有狂夫在空持勞使君

溇井得金釵

湯僧濟

昔日倡家女摘花露井邊摘花還自插照井還
自憐窺窺終不罷笑笑自成妍寶釵于此落從
來非一年翠羽成泥去金色尚如鮮此人今何
在此物今空傳

採菱曲

徐勉

相携及佳月採菱渡北渚微風吹擢歌日暮相
容與採採不能歸望望方延佇儻逢遺珮人預
以心相許

詠舞

楊皦

紅顏自燕趙妙妓邁陽阿就行齊逐唱赴節閣
相和折腰送餘曲歛袖待新歌頓容生翠羽曼
睇出橫波雖稱趙飛燕比此詎成多

玉臺新詠卷七終

玉臺新詠卷八目錄

陳東海徐陵編

蕭子顯

日出東南隅行

代美女篇

蕭子雲

春思

蕭子輝

春宵

蕭子範

春望古意

蕭愨

秋思

王筠

春日 二首

遊望 二首

秋夜 二首

向曉閨情

閨情

有所思

三婦艷詩

詠燈擎

劉孝綽

遙見鄰舟主人投一物眾姬爭之有

客請余為詠

淇上戲蕩子婦

夜聽妓賦得烏夜啼

賦得遺所思

贈美人

賦得照碁燭刻五分成

古意

春宵

冬曉

三婦艷詩

劉孝儀

閨怨

劉孝威

侍宴賦得龍沙宵月明

奉和湘東王應令冬曉

奉和遂涼詩

郟縣遇見人織率爾成詠

辛苦篇 怨

劉遵

繁華應令

還頓城應令

應令詠舞

王訓

奉和率爾有詠

應令詠舞

庾肩吾

有所思行二首

隴西行 春宵應令

和徐主簿望月

南苑還看人

送別於建興苑相逢

賦得橫吹曲長安道

愛妾換馬

詠美人看畫

詠美人 七夕

冬曉詩

庾成師

遠期篇

徐君禧

初春携內人行戲

共內人夜坐守歲

鮑泉

和湘東王春日

詠薔薇

南苑看遊者

落日看還

寒閨詩

劉緩

詠名士悅傾城

秋夜

冬宵

寒閨

鄧鏗

奉和夜聽妓聲

閨中月夜

和陰梁州雜怨

陰鏗

侯司空宅詠妓

侍宴賦得竹

和樊晉侯傷妾

南征閨怨

班婕妤怨

甄固

奉和世子春情

劉邈

鼓吹曲折楊柳

萬山見採藥人

見人織聊為之詠

秋閨

紀少喻

建興苑

擬吳筠體應教

聞人藉

春日 二首

吳攸

春閨怨

王叔英妻劉氏

和昭君怨

朱超道

賦得蕩子行未歸

裴子野

詠雪

房篆

金樂歌

陸壘

閨怨

庾信

昭君詞

明君詞

結客少年場行

對酒

看妓

和何僕射還宅懷故

和詠舞

春日題屏風

徐孝穆

走筆戲書應令

奉和詠舞

和王舍人送客未還閨中有望

爲羊充州家人答餉鏡

玉臺新詠卷八目錄終

玉臺新詠卷八

陳東海徐陵編

明欽方大法校

日出東南隅行

蕭子顯

大明上苕苕陽城射凌霄光照窓中婦絕世同
阿嬌明鏡盤龍刻簪羽鳳凰彫逶迤梁家髻冉
弱楚宮腰輕紈拂重錦薄縠間飛綃三六前年
暮四五今年朝蚕園拾芳繭桑陌採柔條出入
東城里上下落西橋忽逢車馬客飛蓋動襜輅
單衣鼠毛織寶劍羊頭鞞丈夫疲應對御者輟
銜鑣樹間徒脉脉垣上幾翹翹女本西家宿君

自上宮要漢馬三萬匹夫聳仕嫖姚鞞囊虎頭
綬左珥鳧盧貂橫吹龍鍾管奏鼓象牙簫十五
張內侍十八賈登朝皆笑顏郎老盡訝董生超
邶鄆暫輟舞巴姬請罷絃佳人溱洧上艷趙復
傾燕繁穠旣爲李照水亦成蓮朝沽成都酒暝
數河間錢餘光幸未惜蘭膏空自煎

代美女篇

春思

蕭子雲

春風蕩羅帳餘花落鏡奩池荷正捲葉庭柳復
垂簷竹栢君自改團扇妾方嫌誰能憐故素終

爲泣新縑

春宵

蕭子輝

夜夜妾偏栖百花含露低虫聲繞春岸月色思
空閨傳語長安驛辛苦寄遼西

春望古意

蕭子範

光景斜漢宮橫梁照采虹春情寄柳色鳥語出
梅中氛氲閨裏思逶迤水上風落花徒入戶何
解妾床空

秋思

蕭愨

清波收潦日華林鳴籟初芙蓉露下落楊柳月

中踈燕幃湘綺被趙帶流黃裾相思阻音信結
夢感離居

春日 二首

王筠

其一

日照鴛鴦殿萍生鴈鷺池遊塵隨影入弱柳帶
風垂青鶻逐黃口別鶴慘羈雌同衾遠遊說結
愛久相離於今方溘死寧須萱草枝

其二

菴菴心未發薜蘿葉欲齊春蚕方曳緒新燕正
銜泥野雉呼雌雌庭禽挾子栖從君客梁後方

晝掩春閨山川隔道里芳草徒萋萋

遊望 二首

其一

落日照紅粧挾瑟當窓牖寧復歌薜蘿唯聞嘆
楊柳結好在同心離別由衆口徒設露葵美誰
酌蘭英酒會日杳無期擘華安得久

其二

相思不安席聊至狹斜東愁眉傲戚里高髻學
城中雙眉偏照日獨蒞好縈眉自知心所愛獻
賦甘泉宮博聞方鼎食詎憶春閨容

秋夜二首

其一

九重依夜管四壁慘無暉
招搖顧西落烏鵲向東飛
流螢漸收火絡緯欲催機
爾時思錦字持製行人衣
所望丹心達嘉客倘能歸

其二

露華初泥泥桂枝方悚悚
煞氣下重軒輕陰拂四座
別寵增修夜遠征悲獨宿
愁牽翠羽眉淚蒲橫波目
長門絕往來含情空杼軸

閨情

北斗行欲沒東方稍已晞
晨雞初振羽曉露方霑衣
錦衾徒有設蘭約果相違
誰忍開朝鏡羞恨掩空扉

閨情

月出宵將半星流曉未央
空閨易成響虛室自生光
嬌羞悅人夢猶言君在傍

有所思

丹墀生細草紫殿納輕陰
曖曖巫山遠悠悠湘水深
徒歌鹿盧劍空貽玳瑁簪
望君終不見屑淚且長吟

三婦艷

大婦留芳褥中婦對華燭小婦獨無事當軒理
清曲丈人且安卧艷歌方斷續

詠燈擎

百華耀九枝鳴鶴映冰池末光本內照丹花復
外垂流輝悅嘉客翻影泣生離自銷良不悔明
白願君知

遙見鄰舟主人投一物衆姬爭之有客

請余爲詠

劉孝綽

河流旣浼浼河鳥復關關落花浮浦出飛雉度

洲還此日倡家女競嬌桃李顏良人惜美珥欲
以代芳管新嫌疑故素盛趙茂衰班曳綃爭掩
縠搖珮奪鳴環客心空振蕩高枝不可扳

淇上戲蕩子婦

桑中始夔夔淇上未湯湯美人要雜珮上客綉
明璫日間人聲靜微步出蘭房露葵不待勸鳴
瑟無暇張翠釵掛已落羅衣拂更香如何嫁蕩
子春夜守空床不見青絲騎徒勞紅粉粧

夜聽妓賦得烏夜啼

鷓鴣且輟弄鶴操暫停揮別有啼烏曲東西相

背飛倡人怨獨守蕩子遊未歸若逢生離唱長
夜泣羅衣

賦得遺所思

遺簪彫玳瑁贈綺織鴛鴦木若華滋樹交枝蕩
子房別前秋已落別後春更芳所思不可寄唯
憐盈袖香

贈美人

巫山薦枕日洛浦獻珠時一遇便如此寧關先
有期幸非使君問莫作秦羅辭夜長眠復坐誰
知闔歛眉欲寄同花燭爲照遙相思

賦得照棊燭刻五分成

兩皮絃初罷終藥且留賓日下房隴閉華燭命
佳人側光全照肩迴花半隱身不辭纖手卷羞
今夜向晨

古意

燕趙多佳麗白日照紅粧蕩子十年別羅衣雙
帶長春樓怨難守玉階空自傷對此歸飛燕啣
泥繞曲房差池入綺幕上下傍雕梁故居尤可
念故人安可忘相思昏望絕宿昔夢容光魂交
忽在御轉側定他鄉徒
然居枕席誰與同衣裳空使蘭膏夜烟烟對繁霜

春霄

春霄猶自長春心非一傷月帶園樓影風飄花
樹香誰能對雙燕冥冥守空牀

冬曉

冬曉風正寒偏念客衣單臨粧罷鉛黛含淚剪
綾紈寄語龍城下詎知書信難

三艷婦

大婦縫羅裙中婦料繡文唯餘最小婦窈窕舞
昭君丈人慎勿去聽我駐浮雲

閨怨

劉孝儀

本無金屋寵長作玉階悲一乖西北麗寧復城
南期求巷愁無盡應門閉有時空勞織素巧徒
爲團扇詞匡床終不共何由橫自私

侍宴賦得龍沙宵明月

劉孝威

鵲飛空繞樹丹輪殊未圓嫦娥望不出桂枝梢
隱殘落照移樓影浮光動塹瀾櫪馬悲笳吹城
烏啼塞寒傳聞機杼妾愁余衣服單當愁終已
脆啣啼織復難斂眉雖不樂舞劍強爲歡請謝
函關吏行當封一丸

奉湘東王應令冬曉

妾家邊洛城慣識曉鍾聲
鍾聲猶未絕漢使報
應行天寒硯冰凍心悲書不成

奉和逐涼詩

鍾鳴夜未央避暑起傍徨
長河似曳素明星若
散璫倚巖欣石冷臨池愛水涼
月織張敞畫荷
妖韓壽香對此遊清夜何勞娛洞房

郟縣遇見人織率爾成詠

妖姬含怨情織素起秋聲
度梭環玉動踏躡珮
珠明經移疑杼澁緯斷恨絲輕
蒲桃始欲罷鴛
鴦猶未成雲棟共徘徊
紗窓相向開窓踈眉語

度紗輕眼笑來矐矐隔淺紗的的見粧華
鏤玉同心帶列寶連枝花紅衫向後結金簪臨髻斜
機頂掛流蘇機傍垂結珠青絲引伏兔黃金繞
輓輻艷彩裾邊出芳脂口上渝百城交問遺五
馬共踟躕直爲閨中人守故不要新夢啼漬花
枕覺淚濕羅巾獨眠真自難重衾猶覺寒逾憶
凝脂緩彌想橫陳歡行驅金絡騎歸就南城端
城南稍有期想子亦勞思羅衣久應罷花釵堪
更治新粧莫點黛余還自畫眉

蒲生伊何陳曲中多苦辛黃金坐銷爍白玉遂
溜磷裂衣工毀嫡掩袖切讒新嫵成跡易已愛
去理難申秦雲猶變色魯日尚迴輪妾歌已腸
斷君心終未親

怨

退寵辭金屋見譴斥甘泉枕席秋風起房櫳明
月懸燭避窓中影香迴爐上煙丹庭斜草徑素
壁點苔錢歌起蒲生曲樂奏下山絃新聲昔廣
宴餘杯今自傳王嬙向絕漢宗女入邠連鴈書
猶未返角馬無歸年昭臺省媵御曾坂無棄捐

後薪隨復積前魚誰復憐

繁華應令

劉遵

可憐周小童微笑摘蘭叢鮮膚如粉白暘臉似
桃紅挾彈雕陵下垂鈎蓮葉東腕轉飄香麝衣
輕任好風幸承枕席選得奉畫堂中金屏障翡
翠藍帔覆薰籠本知傷輕薄含辭羞自通剪袖
恩雖重殘挑愛未終蛾眉詎須嫉新粧迎入宮

還頓城應令

漢水深難渡深潭見底清錦箏繫鳧舸珠竿懸
翠鈴鳴笳芳樹曲流唱採蓮聲神遊不停駕日

暮返連營寧顧重房重階下綠苔生

應令詠舞

倡女多艷色入選盡華年舉腕嫵衫重迴腰覺
態妍情繞陽春吹影逐相思弦履度開裾禡髮
轉匝花鈿所愁餘曲罷爲欲在君前

奉和率爾有詠

王訓

殿內多仙女從來難比方別有當窓艷復是可
憐粧學舞勝飛燕染粉薄南陽散黃分黛色薰
衣雜棗香簡釵新輾翠試履送垣墻一朝恃容
色非復守空房君恩若可恃願作雙鴛鴦

應令詠舞

新粧本絕世妙舞亦如仙傾腰逐韻管歛衽聽
張弦袖輕風易入釵重步難前笑態千金動衣
香十里傳時持比飛燕定當誰可憐

有所思行二首

庾肩吾

其一

佳期竟不歸春物坐芳菲拂匣看離扇開箱見
別衣井梧生未合宮槐卷復稀不及啣泥燕從
來相逐飛

其二

佳人遠于隔乃在天一方望望江山阻悠悠道
路長別前秋葉落別後春花芳雷歎一聲響雨
淚忽成行悵望情無極傾心還自傷

隴西行

借問隴西行何當驅馬征草合前迷路雲濃後
暗城寄語幽閨妾羅袖勿空縈

春宵應令

征人別來久年芳復臨牖燭下夜縫衣春寒偏
著手願及歸飛鴈因書寄高柳

和徐主簿望月

樓上徘徊月窓中愁思人照雪光偏冷臨花色
轉春星流時入暈桂長欲侵輪願以重光曲承
君歌扇塵

南苑還看人

春花競玉顏俱折復俱攀細腰宜窄衣長釵巧
挾鬟洛橋初度燭青門欲上關中人應有望上
客莫前還

送別於建興苑相逢

相逢小苑北停車問苑中梅新雜柳故粉白映
輪紅去影背斜日香衣臨上風雲流階漸黑冰

開池半通去馬船難歸啼鳥曲未終眷然從此
別車西馬復東

賦得橫吹曲長安道

桂宮橫複道黃山開廣路遠聽平陵鍾遙識新
豐樹合殿生末光離宮起煙霧日落歌吹還塵
飛車馬度

愛妾換馬

渥水出騰駒湘川實應圖來從西北道去逐東
南隅琴聲悲玉匣山路泣薜蘿似鹿將含笑千
金會不俱

詠美人看畫

欲知畫能巧喚取真來映並出似分身相看如
對鏡安釵等踈密着領俱周正不解平城圍誰
與丹青競

詠美人

絳樹及西施俱是好容儀非關能結束本自細
腰枝鏡前難並照相將映綠池看粧畏水動歛
袖避風吹轉手齊裾亂橫簪歷髮垂曲中人未
取誰堪白日移不分他相識惟聽使君知

七夕

玉匣卷懸衣高樓開夜扉嫦娥隨月落織女逐
星移離前忿促夜別後對空機倩語雕陵鵲填
河未可飛

冬曉詩

鄰雞聲已傳愁人竟不眠月光侵曙後霜明落
曉前縈鬟起照鏡誰忍整花鈿

遠期篇

庾成師

憶別春花飛已見秋葉稀淚粉羞明鏡愁帶減
寬衣得書言未反夢見道應歸坐使紅顏歇獨
掩青樓扉

初春携內人行戲

徐君倩

梳飾多今世衣着一時新草短猶通屨梅香漸
著人樹斜牽錦帔風橫入紅輪蒲酌蘭英酒對
此得娛神

共內人夜坐守歲

歡多情未極賞至莫停盃酒中喜桃子粽裏覓
揚梅簾開風入帳燭盡炭成灰勿疑髻釵重爲
待曉光催

和湘東王春日

鮑泉

新燕始新歸新蝶復新飛新花蒲新樹新月麗

新輝新光新氣早新望新盈抱新水新綠浮新
禽新音好新景自新還新葉復新攀新枝雖可
結新愁誰解顏新思獨氛氲新知不可聞新扇
如新月新蓋學新雲新落連珠淚新點石榴裙
詠薔薇

經植宜春館
羅靡上蘭宮
片舒尤帶紫
半捲未全紅葉
踈難蔽日花
容易傷風佳
麗新粧罷含
笑拆芳叢

南苑看遊者

洛陽小苑地車馬盛經過
緣溝駐行幘傍柳轉

鳴珂履高全響珮
襪輕半隱羅浮雲無處所何
用轉橫波

落日看還

妖姬兢早春上苑
逐名辰苔輕變水色霞濃掩
日輪雕甍斜落影
畫扇拂梁塵衣香遙已度衫
紅遠更新誰家蕩舟妾何處
織縑人

寒閨詩

行人消息斷空閨
靜復寒風急朝機燥鏡暗晚
粧難從來腰自小衣帶就中寬

詠名士悅傾城

劉緩

不信巫山女不信洛川神何關別有物還是傾
城人經共陳王戲曾與宋家隣未嫁先名玉來
時本姓秦粉光猶自面朱色不勝唇遙見疑花
發聞香知異春釵長逐髮髻小稱腰身夜夜
言嬌盡朝朝態還新已傾荀奉藉能迷石季倫
上客徒留目不見正橫陳

秋夜

樓上起秋風絕望秋閨中燭溜花行滿香燃奩
欲空徒教兩行淚俱浮粧上紅

冬宵

別後春池異荷盡欲生冰箱中剪刀冷臺上面
脂凝纖腰轉無力寒衣恐不勝

寒閨

不堪寒夜久夜夜守空床衣裾逐座禡釵影近
燈長無憐四幅錦何須辟惡香

奉和夜聽妓聲

鄧鏗

燭華似明月鬟影勝飛橋妓兒齊鄭樂爭妍學
楚腰新歌自作曲舊瑟不須調衆中俱不笑座
上莫相撩

閨中月夜

閨中日已暮樓上月初華樹陰綠砌上牕影向
床斜開帷傷隻鳳吹燈惜落花誰能當此夕獨
處類倡家

和陰梁州雜怨

別離雖未久遂如長別離叢桂頻銷葉庭樹幾
攀枝君言妾貌改妾畏君心移終須一相見併
得兩相知

侯司空宅詠妓

陰鏗

佳人遍綺席妙曲動鴟絃樓似陽臺上池如洛
浦邊鶯啼歌扇後花落舞衫前翠柳將斜日偏

是晚妝鮮

侍宴賦得竹

夾池一叢竹青翠不驚寒葉醞宜城酒皮裁薛
縣冠湘川染別淚衡嶺拂仙壇欲見葳蕤色當
來兔苑看

和樊晉侯傷妾

畫梁朝日盡芳樹落花辭忽以千金笑長作九
原悲鏡前塵素粉機上網紅絲戶餘雙燕入牀
有一空帷名香不可得何見反魂時

南征閨怨

湘水舊言深征客理難尋獨愁無處道長悲不
自禁逢人憎解佩幽居懶聽音惟當有夜鵲南
飛似妾心

班婕妤怨

栢梁新寵盛長信昔恩傾誰謂詩書巧翻爲歌
扇輕花月分窓進苔草共階生妾淚衫前蒲單
眠夢裏驚可惜逢秋扇何用合歡名

奉和世子春情

甄固

昨晚褰簾望初逢雙燕歸今朝見桃李不啻數
花飛已愁春欲度無復寄芳菲

鼓吹曲折楊柳

劉邈

高樓十載別楊柳擢絲枝摘葉驚開駛攀枝恨
別離年年阻音信月月減容儀春來誰不思相
思君自知

萬山見採桑人

倡妾不勝愁結束下青樓逐伴西城路相携南
陌頭葉盡時移樹枝高乍易鈎絲繩掛且脫金
籠寫復收蚕饑日已暮詎爲使君留

見人織聊爲之詠

纖纖運玉指脉脉正蛾眉振躡開交鏤停梭續

斷絲簷花照初月洞戶垂朱帷弄機行掩淚翻
令織素遲

秋閨

螢飛綺窗外妾思霍將軍燈前量獸錦簷下織
花紋墜露如輕雨長河似薄雲秋還百種事衣
成未暇薰

建興苑

紀少喻

丹陵抱天邑紫苑更上林銀臺懸百仞玉樹起
千尋水流冠蓋影風揚歌吹音踟躕憐拾翠顧
步惜遺簪日落庭花轉方幔屢移陰終言樂未

極不道愛黃金

擬吳筠體應教

庭樹發春輝遊人競下機却匣擎歌扇開箱擇
舞衣桑萎不復惜看花遽將夕自有專城居空
持迷上客

春日二首

聞人舊

其一

愁人試出牖春色定無窮參差依網日淡蕩入
簾風落花還繞樹輕飛去隱空徒令玉筍泣雙
垂明鏡中

其二

高臺動春色清池照日華
綠葵向光轉翠柳逐風斜
林有驚心鳥園多奪目花
相與咸知節歎子獨離家
人行今不返何勞空折麻

春閨怨

吳孜

玉關信使斷借問不相諳
春光太無意窺窓來見參分
與光音絕忽值日東南柳枝
皆鶻燕桑葉復催蚕物色頓
如此孀居似不堪

和昭君怨

王叔英妻

一生竟何定萬事良難保
丹青失應圖玉匣成

秋草相接辭關淚至今猶未燥
漢使汝南來殷勤爲人道

賦得蕩子行未歸

朱超道

坐樓愁回望息意不思春
無奈園中柳寒時已報人
捉梳羞理髮挑朱懶向唇
何當上路晚風吹還騎塵

詠雪

裴子野

飄遙千里雪倏忽度龍沙
從雲合且散因風卷復斜
拂草如連蝶落樹似飛花
若贈離居者折以代瑤華

金樂歌

房篆

前溪流碧水後渚映青天登臺臨寶鏡開窓對
綺錢玉顏光粉色羅袖拂金鈿春風散輕蝶明
月映新蓮摘花競時侶催指及芳年

閨怨

陸璣

自憐斷帶日偏恨分釵時留步惜餘影含意結
愁眉徒知今異昔空使怨成思欲以別離意獨
向薜蘿悲

昭君詞

庾信

拭淚辭戚里回顧望昭陽鏡失菱花影釵徐却

日梁圍腰無一尺垂淚有千行綠衫承馬汗紅
袖拂秋霜別曲真多恨哀弦湏更長

明君詞

歛眉光祿塞遙望夫人城片片紅顏落雙雙淚
眼生冰河牽馬度雪路把鞍行胡風入骨冷漢
月照心明方調琴上曲變入胡笳聲

結客少年場行

結客少年場春風滿路香歌撩李都尉果擲潘
河陽折花遙勸酒就水更移床今年喜夫婚新
拜羽林郎定知劉碧玉偷嫁汝南王

對酒

春水望桃花春洲藉芳杜琴從綠珠借酒就文
君取牽馬向渭橋日落山頭晡山簡接籬倒王
戎如意舞箏鳴金谷園笛韻平陽塢人生一百
年歡笑惟三五何處覓錢刀求爲洛陽賈

看妓

綠珠歌扇薄飛燕舞袖長琴曲隨流水簫聲逐
鳳凰膺風蟬鬢亂映日鳳釵光懸知曲不誤無
事顧周郎

和何僕射還宅懷故

內閣早朝罷中臺夕奏稀無復千金笑徒勞三
日歸步簷朝未掃蘭房晝掩扉苔生理曲處網
積迴文機故瑟餘絃斷歌梁秋燕飛朝雲雖可
望夜帳定難依願憑甘露入方假慧燈輝寧知
洛城晚還淚獨沾衣

和詠舞

洞房花燭明燕餘雙舞輕頓履隨踈節低鬟逐
上聲步轉行初進衫飄曲未成鸞迴鏡欲滿鶴
顧市應傾已曾天上學詎似世中生

春日題屏風

昨夜鳥聲春驚鳴動四鄰今朝花樹下定有詠
花人流星浮酒泛栗瑱繞杯唇何勞一片雨喚
作陽臺神

走筆戲書應令

徐孝穆

此日乍殷勤相嫌不如春今宵花燭淚非是夜
迎人舞席秋來卷歌筵無數塵曾經新代故那
惡故迎新片月窺花簾輕寒入錦巾秋來應瘦
盡偏自著腰身

奉和詠舞

十五屬平陽因來入建章主家能教舞城中且

巧粧低鬟向綺席舉袖拂花黃燭送窓邊影衫
傳鈴裏香當關好留客故作舞衣長

和王舍人送客未還閨中有望

倡人歌吹罷對鏡覽紅顏拭粉留花稱除釵作
小鬟綺燈停不滅高扉掩未關良人在何處光
唯見月還

爲羊交州家人答餉鏡

信來贈寶鏡亭亭似團月鏡久自踰明人久情
愈歇取鏡掛空臺於今莫復開不見孤鸞鳥香
魂何處來

玉臺新詠卷八終

